

MANERA TA COSTUMBER DIAMARS TA UN DIA CLAVE CU AUTORIDAD SA HACI ENTRADANAN OFICIAL

AYERA UN BIAHA MAS A KEDA DEMOSTRA ESAKI



DIRECTIE FINANCIËN CERA DIARAZON DIA 30 DI OKTOBER (AWE)


Maneho di Directie Financiën ta informa pueblo di Aruba en general y su clientela en particular cu nan lo ta cera awe dia 30 di Oktober pa publico. Motibo cu lo ta cera ta pa motibo di un reunion general interno di personal. Directie Financiën lo duna servicio bek manera normal dia 31 di Oktober 2019. Orario di servicio ta 07:30 'or di mainta pa 04:30 'or di atardi. Staff y personal di Directie Financiën ta pidi disculpa pa cualkier inconveniencia cu esaki por causa.

Parlamentario Endy Croes:
 No ta viaha cu
 E AVESTRUZ Benny.
 "TA MANDA CARTA
 PA PARLAMENTO Y TA
 CANCELA SU VIAHE
 DI TRABAJO



Remitido: Si tin indexering pa ambtenaar.....
**EMPLEADONAN DI HOTEL TA EXIGI NAN
 SINDICATO PA HAYA INDEXERING**
 Ta basta cu burico tin cu traha pa cabay come

Minister Ruiz-Maduro ta felicita Clarette Quandus cu su publicacion 'Elegante Poeta'



Desde diabierna ultimo, mundo di literatura y amantenan di poesia por enrikece nan coleccion cu un otro publicacion di un buki di poema na Papiamento.

Durante di un ceremonia na Biblioteca Nacional di Aruba, Clarette Quandus a presenta y bautiza su di cuater buki di poema na Papiamento

Ruby Eckmeyer a dirigi palabra na nomber di Minister di Cultura, Xiomara Ruiz-Maduro, cu no por tabata presente na e ocasion special aki.

E trayectoria di Clarette como poeta ta algo impresionante. Clarette tin tur loko cu el a haci riba tereno di skirbi poema bon warda y bon documenta. Banda di cu



Clarette ta un persona cu tin hopi contacto cu otro poetanan di Aruba, Boneiro, Corsou y na Spaña, e ta haci tur esfuerzo pa bishita algun di nan personalmente tambe.

Clarette semper ta percura pa hopi hende haya sa

di su publicacionnan y pa e motibo aki tambe e tin hopi bon contacto cu miembronan di prensa riba tur e islanan di habla Papiamento.

'Elegante Poeta' ta consisti di un total di 19 poesia. Clarette a cuminsa skirbi e coleccion di poema aki

den aña 2018, cu tabata Aña di Papiamento na Aruba.

Minister Ruiz-Maduro ta felicita Clarette Quandus cu e publicacion nobo aki y ta desea Clarette hopi exito cu un otro publicacion.

Remitido: Si tin indexering pa ambtenaar.....

EMPLEADONAN DI HOTEL TA EXIGI NAN SINDICATO PA HAYA INDEXERING

Ta basta cu burico tin cu traha pa cabay come

Permitimi un espacio den bo corant Solo di Pueblo; Awendia nos ta scucha cu empleadonan publico mihor conoci como ambtenaar ta exige indexering.

Remarcabel ta cu e empleadonan aki tin tur sorto di beneficio, manera salario halto, un extra salario na Juni di tur anja, Bashi Premie, Back to School Premie, un cantidad grandi di dianan

liber y ATV-dag. Y ainda na no por biba bon, pero kier pidi mas placa.

Den sector priva, no tin nada di e beneficienan aki.

Ta empleadonan di sector priva mester traha duro, paga prima pa cria e ambtenaarnan. Ta nos ta paga nan salario y nos mes no tin nada extra.

Wel, e ora a yega cu sector

priva tambe ta bay lanta para pa exige tur sorti beneficio.

Tur hotelnan cu no tin sindicato, mester agrupa y drenta sindicato y e ora mester cumenza exige mescos cu empleado publico, sino ta pone trabao abao.

Tesey te forsa? Subi caya pone presion? Wel nos tambe por hasie'le.

Indexering no ta un ley pa ambtenaar, wel tampoco pa sector priva! Pero si ta duna un, mester duna tur!

Ambtenaarnan mester cumenza samina nan consenshi, pasobra nan tin hopi beneficio pero ta parce hendenan adicto pa "mas".

Y foi unda nan kier sake? For di nos cartera di

empleadonan di hotel cu tin cu paga prima pa nan cobra.

Ta basta cu e gritonan aki di pidi mas!

Si tin pa ambtenaar anto tin tambe pa tur 7000 empleado di hotel.

Ta basta cu burico mester traha pe caba come!

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



Ministro di Salubridad ta anuncia cu entrante 31 oktober 2019 durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, Schotlandstraat 53, di un peticion cu a ser haci pa obtene un logementvergunning pa e parcela Caya Luna 8. E permiso aki ta concerni e.o. benta di bebida zwak por detal y cuminda pa wordo consumi den e parcela.

Durantedicho periodo aki tur hende por expresa por escrito nan obhecion contra dunamento di e permiso menciona, dirigi na e Minister encarga cu Salubridad, via intermediacion di Director di Departamento di Legislacion y Asunto Huridico, Schotlandstraat 53.

AWE

LOTTO 5

Afl. 560.000,-

Selecta:
 Selecciona cinco (5) number entre 1 y 35

03
12
15
24
33

Multi Draw:
 Selecta bo numbertan pa e sorteo desea y siguiente sorteonan.
 Pa asina bo keda den wega!

03 12 15 24 33 x2
03 12 15 24 33 x3

03 12 15 24 33 x4
03 12 15 24 33 x5

Combo: Puntra bo rebendado pa opcionan di combo.



Afl. 4



www.lottoaruba.com






Homber bao influencia



Diamars mainta trempa polis y ambulance tabata presente patras di Botica Oduber, unda tin un homber ariba acera drumi.

Na e sitio no por a

constata kico a pasa e homber. Tampoco e tabata reacciona y esaki tabata e motibo cu ambulance a ser pidi.

Despues di algun rato e Paramediconan a constata

cu e homber ta na bida, pero cu ta bao influencia e ta.

E momento ey cu el'a medio spierta, el'a bira fastioso. E no tabata desea asistencia di Paramediconan.



Accidente na cruzada di Rooi Frances



Dialuna atardi den careda di 5:30 varios unidad policial a bay cruzada di Mondri Fierno cu ta bay pa Rooi Frances. E motibo tabata un accidente

serio y cu varios persona herida.

Un Van Hyundai H1 cu algun pasahero special a subi e cruzada sin duna

preferencia.

Esaki a causa cu un auto KIA no por a evita e boksmento y a dal contra e Van Hyundai.



Den e Van tabata tin 5 persona cu no a resulta directamente herida, pero mas bien tabata hopi spanta. Na e sitio

Paramediconan tabata sa di a papia cu nan y splicanan cu tur cos ta ok.

Green green green....

Recordando e bus electrico, e proef konijn di Mike Eman Elmar, Setar y WEB a bira victima di locura di Eman..



E gobierno di Mike Eman a hinca su mes den hopi locura. Na un dado memento, tur cos tabata "greengreen" pa nan. Nan tabata loco-loco cu tur

proyectonan di fantasia. Tanto Elmar, WEB y Setar a bira victima di e proyectonan di "proef konijn".

Awe nos ta recorda fantasia di e bus electrico.

Ken por lubida e gritonan di e bus electrico? Cu esaki ta un paso mas di Gobierno di Mike Eman pa asina yega e meta di 2020? Con a para cu e bus? Unda e ta? Pa esnan

cu no sa, e bus ta tira den cunucu di Garage Cordia, unda te hasta un palo di kwihi green a nace casi den dje.

Desconoci a ranca tas di señora den madruga

Banda di 8:30 dialuna mainta, e señora di inicial M. a presenta na warda di polis di Oranjestad, pa duna keho contra un homber cu a horta su rugtas for di dje.

Segun declaracion di e victima el'a caba di baha for di bus bana di r'or di marduga na e parada di bus grandi banda di waf y a cuminsa cana pa bay su cas.

Dado momento el'a sinti un hende ranca su rugtas for di dje den mal forma y despues a core bay direccion pariba, direccion di centro di ciudad pero mas bin direccion di Koningstraat.

Despues el'a perde e antisocial for di bista y no sa unda el'a bay pero door cu tabata asina scur, e no por a mira mucho cla cara di su atacante.

Segun e victima den su tas e tabata tin su paspoort Haitiano, un kaarchi d AZV, papel di su acta di nacemento y un suma di 50 florin.

El' a splica polis cu el' a spanta asina hopi cu el'a bay su cas mesora y den ora di mainta a dicidi di bay duna keho na central di polis.

E señora a splica cu su rugtas ta uno di cuerto color bruin y no ta un tas mucho grandi.



THURSDAY, OCTOBER 31ST

**Come dressed up to win
CASH, CASH, CASH!**

HOW TO QUALIFY

Come to Wind Creek Crystal Casino on Thursday, October 31st to participate in a ghoulishly scary Halloween costume contest. Sign up at the PROMOTIONS booth from 8pm - 9pm to participate. Must be at Crystal Casino Lounge area by 9:15pm. Judging begins at 9:30pm and at 10:15pm five lucky monsters will be selected to win a prize.

Costumes may not hide identity. Masks, etc will be allowed during the judging but will not be allowed on the gaming floor or casino entrance.
No fake weapons such as guns or knives are allowed.

1st place - \$750

2nd place - \$500

3rd place - \$350

4th place - \$250

5th place - \$100

#WinningMoment



WIND CREEK[®]
CRYSTAL CASINO

See PLAYER SERVICES for details.

**PUEBLO A HAÑA SU
PEN BEK**

Pa kualkier informacion
solodipueblo@gmail.com

or
☎ 585-9500

Accidente na Bubali



Diamars mainta boto a los for di un trailer y Na yegada por a haya un un pick up na banda cu hopi No ta mucho duidelijk kico
informacion a dreña cu un causa daño na un vehiculo. boto mey mey di caminda y daño material. por a causa cu e boto a los.

ATCO a entrega comprobante na Husticia cu Minister ta gaña pa influencia opinion publico

E compania ATCO a entrega e comprobantenan na Ministerio Publico pa demostra cu Minister Otmar Oduber ta purba intimidar y influencia opinion publico cu mentira. Oduber lo ta acusa MetaCorp y miembro di Fraccion di MEP den Parlamento, Daphne Lejuez, di 'omkoperij' pasobra Oduber no ta haya su kier den Parlamento pa e pasa su ley di Serlimar y ta purba intimidar sra. Lejuez pa hay su voto.

No ta importa Minister Otmar Oduber

No ta importa Minister Oduber un bledo cu e ta inventa cos y asina gaña Ministerio Publico. Oduber kier basa su acusacion riba e hecho cu ATCO a contrata Caribmedia, di e casa di sra. Lejuez pa brinda servicio di Web-Hosting durante e ultimo 10 añanan pa un suma insignificante. Pues manera e compania ta muestra, tur e acusacionnan y insinuacionnan ta sin base y den un ansha desespera pa haya opinion publico na su

banda, pa purba pasa e ley di Serlimar, cu den dos instante caba a wordo para. Gran mayoria di pueblo y gremionan ta contra e ley di Minister Otmar Oduber.

Mirando cu tin tanto rumor den seno politico, lo ta bon pa aclarar varios otro rumor tambe coriendo for di algun tempo caba relaciona cu decisionnan cu por crea un percepcion di conflicto di interes.

Probechando e discucion publico kier puntra Minister Otmar Oduber:

- Informa pueblo si ta berdad cu e compania cu a haya e trabao na Seroe Tijshi sin un destaho publico, ta mesun compania cu ta sponsor Minister Otmar Oduber su trailer di Carnaval?
- Informa pueblo cuanto a paga e sponsor na 2019 pa e trabao na Sero Tijshi?
- Informa pueblo ken a gana e bid di Parkietenbos y informa pueblo si ta un main sponsor di



Minister durante carnaval?

- Informa pueblo cual ta e compania cu a pone tur e signnan riba truck nobo di Serlimar y si ta compania di Minister su amigo intimo, Ralph Maduro, esta Printshop?
- Ta berdad cu inicialmente a duna e trabao na un otro compania y cu esaki a wordo kita pa duna su amigo intimo e trabao aki?
- Cuanto a paga amigo pa e

signs?

- Informa pueblo si e lease di trucknan nobo pa Serlimar a bay pa un amigo sponsor di Minister den carnaval?
- Informa pueblo cuanto e lease di trucknan nobo ta costa y cual ta e compania cu ta e main sponsor di Minister cu a haya e contract aki? Y cual compania cu ta main sponsor a sostene henter e financiamiento di e "lease"?

Manera ta costumber diamars ta un dia clave cu autoridad sa haci Entradanan Oficial

Ayera un biaha mas a keda demostra esaki.

Diamars den oranan di mainta trepan esaki a keda demostra. Autoridad Hulandes y local a drenta dos propiedad cu ta pertenece na e famia van Kessel, kendenan ta doño di Van Kessel Construction. Aparentemente lo ta trata di un investigacion internacional.

Muy probablemente lo ta trata di un investigacion riba un persona yega na e famia, of ta miembro di e famia aki.

Na e werkplaats na Mahuma, un team special consistiendo di autoridad Hulandes y local a drenta. E team aki a haci uso di K-9 y tambe por a mira varios Hulandes cu v car na e sitio.

Na Boegoeroei na e residencia di Van Kessel a drenta, hunto cu agentenan policial local cu ta laborando den RST y tambe te hasta por a mira agentenan di Observatie Team na e sitio.

Na ambos propiedad autoridad a confisca varios articulo, entre otro computernan, documentonan y hopi mas material.

Tur esaki nan a keda confisca pa asina nan por sigui cu nan investigacionnan. Nos ta keda pendiente pa cualkier informacion oficial for di Ministerio



Accidente na caminda di e rotonde cu ta conecta cu St. Helena



Dialuna anochi pa mas o menos 8:30 polis y ambulance a bay rotonde di Ponton cu ta conecta cu Santa Helenastraat, pa auto cu a dal un persona.

Na yegada di polis nan

a topa cu un Hyundai Accent ariba e rotonde y dama ariba caminda, hunto cune un menor di edad cu tabata ok.

Na e sitio chauffeur di e Accent tabata spanta

despues di e accidente, debi cu e no a mira e dama cu e mucha cruzando caminda. Esaki tabata prome el'a yega e rotonde.

Pa loke ta e peaton, e no a haya nada serio, pero



Paramediconan a opta pa un mihor chekeo. hibe hospital unda lo haci

ACCIDENTE NA BOEGOEROEI



Dialuna den oranan di merdia presencia di polis y ambulance a wordo pidi pa un accidente entre un auto y brommer, na Boegoeroei, un poco mas panort di Fermin's Bar. Mesora a manda un patruya na e sitio. Na yegada enberdad nan ta topa cu e accidente y a bin compronde cu un motociclista tabata

bayendo direccion panort y diripiente e auto su dilanti a dal un brake. E no a calcula su velocidad na tempo y a slip bay dal tras di e auto. E motociclista a keda levemente herida cu varios rasca na su brazanan y pianan. Personal di ambulance a trat'e motociclista na e sitio.



Prome Minister Evelyn Wever-Croes:

PROME REUNION DI CONSEHO DI MINISTER NA SAN NICOLAS



Diarazon mainta di 8'or pa 12'or, Consejo di Minister a tene un reunion extraordinario na Nicolas Store na San Nicolas. Durante e reunion special aki, a atende cu temanan relaciona cu futuro di oportunidadnan, progreso y bienestar di San Nicolas.

A reuni cu San Nicolas Business Association. A reuni tambe cu 5 diferente desaroyador cu ta desaroyando proyectonan den San Nicolas dunando nan e oportunidad pa trece nan sugerencianan dilanti di e manera cu Gobierno por yuda y stimula nan pa facilita nan pa nan cuminsa y finaliza nan proyecto mas

pronto posibel.

E proyectonan cu a wordo presenta e mainta aki ta varia entre restaurant, edificionan pa apartamento, tienda y industria, actividad di recreacion. Tur cu e promesa pa trece desaroyo economico nobo, grandi y hopi interesante pa San Nicolas.

“Esaki ta un reunion di Consejo di Minister historico. Gabinete Wever-Croes ta demostra cu hechonan cu San Nicolas ta importante. Desaroyo na San Nicolas ta necesario y importante pa nos pais”, Prome Minister Evelyn Wever-Croes a duna di conoce.



Durante Red Ribbon Week, siman di bisti di locura

FADA Aruba un biaha mas por a conta cu sosten di Aruba Bank



Aruba Bank un biaha mas a uni cu FADA Aruba den su Red Ribbon Week mihor conoci como e Siman di Bisti na Locura. Esaki ta un campaña cu a cuminsa 7 aña pasa pa conscientiza comunidad riba uso y abuso di droga y alcohol.

Siman pa bista na locura ta un siman cu hopi hende conoce y ta papia di dje. E siman a cuminsa e aña aki dia 21 di Oktober y a termina dia 25 di Oktober. Manera tur aña tin un siman diferente, un siman di locura. Algun dia ta keda mesun cos. Esaki ta mirando e participacion con tur hende ta pidi pa no cambia e dianan aki pasobra nan gust'e masha hopi mes.

Na Aruba Bank esaki tambe tabata bisto na tur e branchnan, caminda cu e empleadonan tabata ilustra esaki.

E siman a cuminsa cu bistimento na cora. Mirando cu ta papia di e cinta cora, cu a cuminsa na Merca. Riba diamars tur empleado por a bisti na su superhero favorito. Diarazon, nan tabata tin nan cabey loco loco y diahuebs, nan a 'Sox-it-up', cu nan meanan colorido y divertido, y a clausura e siman cu diferente mensahe nan positivo y asina sosteniendo e causa cu FADA ta para, p'e. Cu e siman aki, cu ta uno asina importante, Aruba



Bank tambe a manda e mensahe pa bisa NO na droga.




Ministerio di Turismo,
Cultura y Deporte

IBISA
Instituto Bista Saludabel y Activo

10 aña di existencia

Hoben Activo

Hoben Feliz






ORARIO
3PM - 4:30 PM
EDAD
8 - 13 AÑA

GRATIS

Sport Centrum San Nicolas

	21 Oct	23 Oct	28 Oct	30 Oct
Ping Pong				
Baseball/Softball	4 Nov	6 Nov	11 Nov	13 Nov
Afotiek	18 Nov	20 Nov	25 Nov	27 Nov
Karate	2 Dec	4 Dec	9 Dec	11 Dec

 Pa info contacta Sport Centrum San Nicolas na 584-8903

 IBISA ARUBA

80 BOLUNTARIO A PARTICIPA DEN KIWANIS CLUB OF ARUBA SU K-ONE DAY NA MISA SANTA TERESITA NA SAN NICOLAS



Diasabra ultimo a tuma lugar e evento anual di Kiwanis K- One Day.

Ariba e dia aki Kiwanis Club of Aruba hunto cu su "Service Leadership Programs" a haci un proyecto hunto cu e meta pa finaliza esaki den un dia. Rond di mundo ariba e mes un dia aki tur club di Kiwanis ta haci un proyecto grandi comunitario. E idea ta cu tur club ta socializa cu otro y alavez duna back na nan comunidad. Na Aruba e voluntarionan cu a forma parti di e Kiwanis ONE Day; Kiwanis Club of Aruba y su 5 "service Leadership Programs"; Kiwanis Circle K of Colegio EPI, Kiwanis Key Club Colegio Arubano, Kiwanis Key Club Colegio San Nicolas, Kiwanis Builders

Club Mon Plaisir, Kiwanis Aktion Club Sonrisa. Diasabra cuminsando for di 6'or di mainta un grupo di 80 voluntario a bini hunto, un total di 576 ora di servicio comunitario cu a wordo dedica na e proyecto aki.

E aña aki e comision di "Kiwanis One Day" di Kiwanis Club of Aruba a scoge como proyecto pa duna un "facelift" na misa Santa Teresita na San Nicolas. E proyecto tabata encera cu tur e miembronan a drecha, schuur y verf e muraya y bentanan di e misa. Cu e proyecto aki Kiwanis Club of Aruba kier contribui di un manera positivo cu comunidad di San Nicolas.



Minister of Tourism, Solvherheid, Publico y Deporte
IBISA
Instituto Bona Saludabel y Activo
ta presenta

Hoben Activo Hoben Feliz

GRATIS

ORARIO
3PM - 4:30 PM
EDAD
8 - 10 AÑA

YMCA Dakota

Atletiek	22 Oct	24 Oct	29 Oct	31 Oct
Ping Pong	5 Nov	7 Nov	12 Nov	14 Nov
Basketball	19 Nov	21 Nov	26 Nov	28 Nov
Karate	3 Dec	5 Dec	10 Dec	12 Dec

Pa info contact IBISA na 582-4987 of 584-8903

f IBISA ARUBA

Kortsluiting na Stellaris Casino



Dialuna mainta den careda di 8:30 polis y brandweer a sali direccion di Marriott casino cu lo tabata na candela, segun e prome informacionnan.

Na yegada di tanto polis y bomberonan a resulta cu e Casino no tabata na candela.

Loke a pasa ta cu airco cu ta conecta cu e Casino

y e Lobby lo a sufri un kortsluiting y esaki a pega candela, mandando huma via e ductnan.

Esaki a pone cu hende a pensa cu e Casino lo ta kimando.

Mesora esnan di hotel mes a usa e Brandblusser pa paga e candela na e airco. Loke a sigui ta cu e huma y e puero di e Brandblusser a plama den e duct, y esaki a causa



cu hendenan a spanta y a cuminsa evacua tur hende.

Na final brandweer a tumover y a sigui controla y

duna recomendacionnan na e Hotel.

<p>SUPER SALE</p> <p>~ All clothing for babies, children, men and women (above avg. 10)</p> <p>~ All shoes for children and adults</p> <p>~ Curtains for hall, kitchen and bathroom (above avg. 15)</p> <p>~ All mats for indoor and outdoor</p> <p>~ All comforter & comforter sets</p> <p>~ Houseware items</p> <p>~ All Kitchen items</p>	<p>SUPER SHOPPING SUPER SALE</p> <p>50%</p> <p>Y NO BBO!!</p>	<p>SUPER SALE</p> <p>~ Paño di baby, mucha, hende homber y muhe (pariba di avg. 10,-)</p> <p>~ Tur sapatu pa mucha y hende grandi</p> <p>~ Tur Cortina di sala, cushina y baño (pariba di avg. 15)</p> <p>~ Tur tapijt</p> <p>~ Tur Comforter</p> <p>~ Articulo di cas</p> <p>~ Tur Articulo di cushina</p>
<p>~ All Towels & napkins</p> <p>~ All Bedsheets</p> <p>~ Sofa y mattress covers</p> <p>~ All Car accessories</p> <p>~ Plasticware</p> <p>~ Furniture Items</p> <p>~ Curtain Rods</p> <p>~ Toys</p>	<p>25%</p> <p>Y NO BBO!!</p>	<p>~ Tur Serbete y napkins</p> <p>~ Tur paña di cama</p> <p>~ Sofa y mattress covers</p> <p>~ Tur Accesorio pa Auto</p> <p>~ Articulonan di plastic</p> <p>~ Tur Mueble</p> <p>~ Palo di Cortina</p> <p>~ Coi hunga</p>
<p>~ All electronics y appliances</p> <p>~ All luggage</p>	<p>15%</p>	<p>~ Tur electronico y appliances</p> <p>~ Tur maleta</p>

Minister Besaril como representante di Aruba na Conferencia Internacional riba e situacion na Venezuela



Den Haag – Minister Plenipotenciario Guillfred Besaril den nomber di Gobierno di Aruba a atende e “Internacional Solidarity Conference on the Venezuelan Refugee and Migrant Crisis” awe dialuna 28 di Oktober na Bruselas. E conferencia aki lo dura dos dia y ta un iniciativa di Comision Europeo, e comision di Nacionnan Uni pa refugiado UNHCR y e Organizacion Internacional pa Migracion IOM.

Sr. Besaril a forma parti di e delegacion di Reino Hulandes, unda tambe tabata presente Minister Plenipotenciario di Curaçao, Anthony Begina, Gezaghbeber di Boneiro Edison Rijna, e Representante Permanente di Reino Hulandes na Union Europeo Robert de Groot y demas advisornan di ministerio di Asuntonan Exterior, Curaçaohuis y Arubahuis.

E conferencia a cuminsa cu discursonan di e Comisario di Union Europeo pa Ayudo Humanitario y Management sr. Crisis Christos Stylianides y Comisario di Union Europeo pa Cooperacion In-ternacional y Desaroyo

sr. Neven Mimica. Ambos den na discurso a enfatiza e importancia pa tene e conferencia aki na e momento aki, mirando e magnitud di e crisis cu refugiadonan Venezolano y e impacto cu esaki ta trece pa e paisnan bisina di Venezuela. Awor aki ya caba tin mas cu 4 miyon Venezolano cu a hui di nan pais y e expectativa ta cu e cantidad aki por crece na 6,5 miyon otro año. Tambe a bisa cu e proposito di e conferencia ta pa muestra e solidaridad di e Comunidad Internacional pa cu e refugiadonan Venezolano.

Ex - vice presidente di Guatemala Eduardo Stein den su funcion actual como Representante special di UNHCR y IOM pa Refugiadonan y Migrantenan Venezolanop a papia riba su tarea principal pa promove e coordinacion regional y tambe pa crea un agenda humanitario pa haya

sosten internacional pa e paisnan cu ta tuma refugiadonan Venezolano.

Despues di e discurso di Eduardo Stein tabata tin dos seccion di discusion. E prome panel a trata e tema di perspectiva di e region: retonan y oportunidad. Aki tabata tin presentacion di representantenan di Peru, Colombia, Ecuador y Argentina. Especialmente loke ta Peru, Colombia y Ecuador - cu ta conta cu un contingente hopi grandi di refugiadonan Venezolano – a papia di e impacto cu esaki ta trece pa e sector di enseñanza y salubridad publico. Sinembargo e paisnan aki a trece dilanti cu e binimento di refugiadonan Venezolano por tin un impacto positivo pa e paisnan. Peru por ehempel por soluciona su scarsedad di mediconan cu dokter y specialistan en Venezolano.

E di dos discusion tabata tin presentacion di



Organisacionnan manera Banco Mundial, Save the Children y Inter-American Bank. Aki mas bien a papia riba e contribucion di e organizacionnan aki pa e crisis. Esaki por ta cu prestamo pa e paisnan cu a yuda e refugiadonan of tambe iniciati-vanan di NGO's y empresanan priva.

Na final di prome dia e conferencia e Representante di Union Europeo pa Asuntonan di Exterior Federica Mogherini, High Commissioner di Nacionnan Uni pa Refugiado Filippo Grandi y Direc-tor General di

IOM Antonia Vitorino a haci e apertura oficial. Nan tambe a enfatisa riba e carac-ter di e conferencia, e emergencia di e situacion y cu Union Europeo, UNHCR y IOM ta atende e crisis aki como un prioridad hopi halto. Mogherini a bisa cu e magnitud y impacto di e crisis aki no ta demasiado conciente bao di e Comunidad Internacional y cu tur dia miles di hende ta hui for di Venezuela. Na final a keda remarca cu un solucion pa e problema lo mester ta uno politico unda mester bin un transicion na un systema politico democratico na Venezuela.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500


CENTRALE BANK VAN ARUBA

ARE YOU LOOKING FOR A NEW CHALLENGE?

WE HAVE A VACANCY FOR AN APPLICATION & SOLUTIONS ENGINEER

Visit our website www.cbaruba.org for more information

Chauffeur a keda deteni pasobra a tuma mucho alcohol



Dialuna marduga durante patruya polis a topa cu un Nissan Cube, cu a caba di dal contra un palo di luz. Agentenan a baha y a bay atende

cu e chauffeur cu manera a ser premira, e tabata bao influencia.

A usa e Alco-sensor y asina nan



por a midi e cantidad, y esaki a resulta den number hopi halto ariba e Meter.

Eymes agentenan a lesu derecho y a detene. Cu Transportwagen el'a wordo hiba warda di polis.

Nissan haciendo fever



Diadomingo mainta trempa colega di Team Prensa Aruba a capta un imagen exclusivo momento cu dilanti Molen un auto Nissan Sylvia tabata haciendo fever.

Esaki tabata den careda di 5'or cu chauffeur di e auto aki tabata draai tire preparando pa pone "drama", pero no tabata sa kico tabata spera su persona.

Na prome instante el'a sali y cuminsa haci loke e tabata tin planea o sea drift y duna esnan rond su show prome cu e bay cas. Aki ta unda e auto no a coopera cune.

Un Kia Sportage cu no tin nada di haber y tabata wardando e Nissan Sylvia haci su show ta ser sorpresa momento cu e Nissan Sylvia numera A-47604 ta perde control y dal su auto.

E chauffeur irresponsabel di e Sylvia no a para pa

pidi disculpa y regla cos manera ley ta stipula, pero a dicidi di move bay di e sitio cu velocidad halto.

Chauffeur di e Kia Sportage a trata na bay su tras, pero sin ningun resultado.

Pa loke ta doño di e Sylvia ta bon pa e tuma contacto cu e doño di e Kia Sportage y regla cosnan manera ley ta stipula, pasobra si el'a pasa cu nan a hit and run su auto e lo no a gusta tampoco.



CAMBIO IMPORTANTE NA WELCOME PLAZA

Entrante 1 di November 2019 lo habri gate number 5 di APA na waf crucero y tambe cambianan cu lo drenta na vigor e dia aki. En conexion cu e entrada nobo lo tin cambio den trafico na Welcome Plaza.

E acceso pa Welcome Plaza ta solamente pa e usuarianan manera: Tour Operators y Personal di waf. Ta prohibi pa tur otro vehiculo di motor usa e parti paden di Welcome Plaza.

E orario pa usa Welcome Plaza lo ta di 7'or mainta pa 11'or di anochi pa e tour operatorsnan. Taxistanan lo tin cu opera for di e taxi stand na e otro banda di Welcome Plaza. Tambe lo tin borchinan cu lo indica e tarifanan di tours, taxi, V-wagens, UTV,

ATV y scooters. Esitio di parkeo na altura di Diamonds International lo ta solamente pa drop off di nos bishitantenan. Tur tour operators cu ta haci uzo di Welcome Plaza lo tin cu opera segun e rotacion y reglanan stipula.

Tambe lo tin borchinan cu lo indica e turistanan unda pa busca tour, taxi y tram.

Tur esakinan ta cambio pa un mihor maneho structura na e entrada di waf crucero gate 5. Tene na cuenta cu e cambianan aki entrante 1 di November 2019. Polis lo tey presenta pa cualkier pregunta y informacion riba e dia aki pa guia tur persona cu ta haci uso di e sitio aki.



Parlamentario Endy Croes:

No ta viaha cu E AVESTRUZ Benny.

“TA MANDA CARTA PA PARLAMENTO Y TA CANCELA SU VIAHE DI TRABAO PA PARLATINO”

Parlamentario Endy Croes e siman aki lo manda un carta pa Parlamento pa cancela su biahe di trabou y cu e peticion pa Griffier manda notifica Secretario di Parlatino di su decision. Segun Parlamentario Endy Croes como vice presidente di comision di “Asuntos Politicos” tin un reunion riba agenda pa 7-9 di november proximo. Como vice presidente of presidente di cualkier comision ta di vital importancia bo presencia pa asina atende e topiconan cu ta riba agenda. Den e caso aki Parlamentario Endy Croes por a tuma nota di e lista di Parlamentarionan cu ta biahando pa e fecha ariba menciona tanto Benny Sevinger, Robert Candelaria y Arthur Dowers di AVP nan number ta aparece riba dicho lista.

Clan di AVP ta biaha business class
Parlamentario Endy Croes ta sigui splica cu

semper cu el a asisti na reunionnan na Parlatino - mayoria parti na Panama - el a exige Parlamento pa cumpra su ticket den clase economico esta un ticket di alrededor di Afl. 800 florin y ta sinta patras den avion cu tur pasajero. Sin embargo por tuma nota cu e “Clan” di AVP incluyendo Benny Sevinger “sospechoso” principal cu 5 cargo den e caso di AVESTRUZ, Robert Candelaria tur a exige ticket den “business class” cual tin un costo di casi Afl. 3000,- pa persona. Parlamentario Endy Croes na promer lugar no kier subi avion cu ningun sospechoso. Y ta rechasa totalmente pa biaha cu Benny Sevinger den cualkier delegacion. Na di dos lugar no ta mira e sentido pa Parlamento mester paga tanto placa pa entre otro Benny Sevinger y Robert Candelaria bay Panama. Nan no tin ningun Voorzitterschap den ningun comision y como

sospechoso Parlamento no mester ni paga pa Benny biaha. Ningun pero ningun hende por convence mi lo contrario.

Probechando di placa di pueblo

Parlamentario Croes ta mira esaki di tal manera cu como sospechoso bo mester rendi honor na nos instituto Parlamento y na bo mes. Ainda e presunto corrupto Benny Sevinger ta sigui probecha di placa di pueblo. Parlamentario Endy Croes lo dirigi su mes na Griffier y na Presidente di Parlamento pa trata e caso aki cu urgencia den CHA esta Commisie Huishoudelijke Aangelegenheden, pa tuma un decision cu ningun Parlamentario sospechoso no por biaha representa Parlamento di Aruba riba custia di Parlamento. Parlamentario Endy Croes ta studiando e posibilidad pa manda un carta Parlatino tambe pa splica nan bou



ki condicion Benny ta bayendo Panama y si Parlatino ta permiti un sospechoso oficial den corrupcion den tipo di reunionnan asina.

AVP ta keda burla di nos sistema

Aparentemente tin rumornan fuerte cu lo tin cuentanan bancario na Panama den e caso di AVESTRUZ y kisas Benny ta usa placa di Parlamento como smoke screen cu conocimiento di Candelaria pa bay trata na stroba e investigacion andando? Kico ta e rol di Candelaria den esaki?

Nos a compronde cu tanto na Panama y Miami tin cuentanan bancario cu a move hopi placa den e caso di AVESTRUZ. Parlamentario Endy Croes ta indigna con sospechoso di AVP ta keda burla di nos sistema y ta biaha riba custia di Parlamento den business class manera nada no a pasa.

Parlamentario Endy Croes ta termina bisando cu e lo keda haci su trabou pa para e bagamunderianan aki di AVP. Simplemente NO POR!

KIWANIS PALM BEACH Y KIWANIS YOUNG PROFESSIONALS TA DUNA BEK NA COMUNIDAD

Celebrando Kiwanis One Day 2019.



Tur aña e ultimo diasabra di Oktober, e famia di Kiwanis ta bini hunto riba un dia y asina duna bek na comunidad. Esaki ta wordo haci riba nivel internacional, pero tambe aki na Aruba ta duna e dia aki su atencion mereci.

Ki day a tuma lugar dia 26 di Oktober na Pius X school na Dakota. Aki Kiwanis Club of Palm Beach hunto cu Kiwanis Club of Young Professionals a organiza e dia pa hunto celebra e voluntarismo cu ta biba den cada un miembro. Tambe tabata tey presente e hobennan di Circle K di Universidad di Aruba, Builders Club di Colegio San Antonio y K-Kids di Prinses Amalia Basisschool. Aki ta papia di cinco club cual ta alrededor di 70 persona. Sin laga afo e tremendo esfuerzo di e team di docente y mayornan di

Pius X mes cu a sa di duna un man durante e dia aki.

Apesar di un solo fuerte, cada un presente tabata tin e animo y sonrisa riba nan cara pa asina por caba e trabao nan riba e speelplaats, speeluin y tambe por a admira e cabayero nan drechando e dak di gazebo nan pa por duna poco mas lugar adecuado pa e alumno nan. Apart di a verf, drecha schommel, drecha dak tambe e club nan a percura pa planta mata pa e scol.

Trabao tabata tin sigur na gran escala na Pius X school. Un cos ta sigur, locual a logra haci, dialuna por mira un sonrisa grandi riba e mucha nan y docente nan cara.

Un danki special ta bai na Butterfly Farm, DOW, Fantastic Gardens, ATCO, Tropical Bottling, Safe



More Food Stores, Santa Rosa, Kooyman y Dakota Take Away. Sigur cada un a contribui pa Ki day

tabata un dia exitoso.

E famia di Kiwanis ta sigui crece y sigui yuda

comunidad unda mas tin mester cu concentracion riba e mucha nan.

Representante di Ministerio di Agricultura, Cria y Pesca di Korsow di bishita na Santa Rosa

Oranjestad,- Recientemente, Sr. Ing. Gabriel M. Murray, Sector Directeur di Landbouw, Milieu & Natuur bou di encargo di e Ministerio di Salubridad, Medio Ambiente y Naturaleza di Korsow, a hasi un bishita na Santa Rosa. Durante e bishita, ela reuni cu Sra. Nathalie Maduro, Directora pa Santa Rosa, kende a ofrece un rondleiding na e diferente Seccion nan den e Departamento y muy en especial e Seccion di Crianza.

Durante e ultimo ana nan, tin un contacto basta estrecho entre e dos Departamentonan aki, cu sin duda ta encarga cu un sector di gran importancia pa ambos isla, especialmente awor cu tin e situacion cu e fronteranan cu Venezuela ta sera pa tur importación di productonan fresco. Despues di e recorrido den Santa Rosa, e dos Directornan a reuni ariba e diferente posibilidadnan y beneficianan cu por tin door di traha ainda mas estrecho y especialmente na momento di intercambio di información y datos nan di estudio hasi den e ramo aki.

Santa Rosa Aruba ta conoci pa su variedad den bestianan di

criansa manera diferente rasa di Cabrito, Carne, Porce y awendia te hasta Baca, cu por brinda e oportunidad pa produccion di tanto carni como lechi. DLVV Korsow kier introduci un programa di criansa cu bestianan nobo y aki ta unda Santa Rosa lo por aporta cu venta di algún bestia pa sostene DLVV Korsow. Pa locual ta e aporte di Korsow pa Aruba, a combersa ariba e posibilidad di intercambio di simiya y alavez lo comparti estudionan ya hasi ariba diferente tereno, cual Santa Rosa sigur lo por beneficia di dje.

Durante e reunion, Sra. Maduro a duna un splicacion amplio encunanto di e manehonan cu tin actualmente den e Sector y tambe e interés di parti di Minister Romero y Gobierno, pa tin un relacion mas estrecho entre tur e islanan den región y pa cual motibo, Santa Rosa tin como proyecto pa 20/20, pa establece un Plataforma Regional di tur Departamento di Agricultura, Cria y Pesca, cu e meta defini un plan di seguridad di cuminda pa cada país y alavez un network interinsular cual lo sirbi vehiculo pa intercambio di producto den caso di cualquier calamidad relaciona



cu escasez di cuminda.

Di acuerdo cu Sra. Nathalie Maduro, Directora encarga cu DLVV- Santa Rosa, "Nos islanan tin un posición hopi delicado, na momento di trata cu nos alimentación y nos dependencia ariba importación. Pa e motibo aki cu ta importante pa como isla responsable, nos traha den un forma strategico, den cual tur por beneficia y sostene otro durante cualquier calamidad cu por afecta nos seguridad di cuminda".

Sr. Ing. Murray, a keda asombra pa mira kiko tur ta locual DLVV Santa Rosa ta bezig caba cu ne y ta di applaudi cu na Korsow tambe, tin un interés enorme den plantamento tanto den systemanan tradicional como systemanan hidroponico y acuaponico. Es decir, cu a pesar di tur limitación cu ambos isla por tin, toch por a mira un desaroyo positivo den e sector y por spera cu awor cu nos ta ricibiendo poco awacero, cu 20/20 lo por inicia cu basta cosecha.

Merca: Polis ta mata hoben cu ya a tira su arma y tabata cana cu su mannan den halto

Un oficial di Polis di San Bernardino, California (Merca), a wordo suspendi despues di a mata un hoben cu a tira su arma, pero a rechasa e ordennan pa stop di cana na e agentenan, segun un representante di e institucion policial a declara, The Press-Enterprise a informa.

E incidente a tuma luga na september di 2018 ora cu e agentenan a responde na un yamada di emergencia cu a involvi un homber identifica como Richard Sanchez kende tabata menasando su famianan cu un arma di candela.

Den e video graba pa e bodycamnan, cu a sali awo recien, por a scucha e oficialnan grita e sospechoso pa e tira e arma. Tras di a cumpli cu e ordo aki, e homber a avansa pa e polisnan

cu su mannan lanta, pero no a para, apesar cu nan a pidi pa e no move den varios ocasion.

Tabata e ora cu un di e agentenan a tira cinco biahra contra Sanchez. E hoben di 27 aña a fayece e mesun anochi den un hospital.

No a cumpli cu e standardnan "Door di completa nos proceso interno di investigacion y revision, nos a conclui cu un di e decisionnan di nos oficial no a cumpli cu e standardnan di nos departamento of e comunidad na cual nos ta sirbi," e hefe di polis, Eric McBride, a sostene, sigurando cu e funcionario en cuestion "ya no ta traha" pa e departamento di polis.

Sin embargo, e no a precisa si e oficial Brandon Gaddie a wordo kita for di trabao of e mes a reti-



ra. E otro polis cu tabata presente riba e anochi di e hechonan, ta sigui traha den e institucion. Di su parti, ministerio publico di e distrito a anuncia cu nan ta

investigando e caso.

"Nos lo haci un revision exhaustivo riba si e tiroteo tabata legalmente hustifica of no," nan a declara den un comunicado.

Un mafioso ta confesa cu el a yuda mata papa Juan Pablo I pa sconde un fraude financiero miyonario

E gangster retira Anthony Raimondi, di e mafia Colombo, ta afirma cu el a yuda mata papa Juan Pablo I pa mantene cubri un fraude financiero. Presuntamente nan a venene cu cyanide solamente 33 dia despues di wordo proclama pontifice, segun e buki nobo di Raimondi "When the Bullet Hits the Bone", New York Post a informa. Durante e entrevista cu e medio fin di siman pasa, Raimondi a relata cu na edad di 28 aña, el a bay Italia na 1978 tras di a wordo recluta pa comete e crimen pa su primo cardenal Paul Marcinkus, kende a dirigi e Banco Vaticano.

Un sedante y cyanide
Su mision tabata memorisa e habitonan di e papa y observa con e tabata wordo calma door di tuma un kopi di thee cu Valium.

E droga a haci efecto di inmediato y - segun su version - su victima a cay completamente inconciente.

"MI tabata sa cu esey lo mi cumpra un ticket di ida pa fierno," Raimondi a señala.

Mientras cu e tabata wardando p'afo di e camber, su primo tabata prepara un dosis di cyanide. "El a pone e gotera den e boca di papa y a pret'e," prome cu a cera e porta

y aleha di e escena di crimen.

Despues cu un asistente papal a percata cu "e papa tabata muriendo," Marcinkus y otro dos cardenal involvi den e plot, a pura cu "sorpresa manera nan no tabata sa di nada. Poco despues, un dokter di Vaticano a dictamina cu Juan Pablo I a fayece. Segun Raimondi, e sicarionan a uza Valium y cyanide pa mada e sumo pontifice sin dolor y sin gana e fabor den lo mas aya.

Fraude multimiionario
E razon di atenta contra bida di e papa tabata debi cu el a menasa pa expone un fraude financiero masivo dirigi pa funcionarionan di Vaticano, estima den 1 biyon di dollar, segun e buki nobo.

E mafiosonan supuestamente a bende certificadonan falso di accion di companianan Mericano grandi na cumpradonan ingenuo.

Pa e motibo aki, Juan Pablo I a priminti expulsa Marcinkus y aproximadamente "e mita di e cardenal y obisponan den Vaticano," e mafioso retira a sostene.

Poco despues, su sucesor, Juan Pablo II parece tambe tabata cla pa tuma medida contra e estafadornan y e homber di mafia a wordo yama di regreso na Vaticano.



Sin enmabro, na ta consecuente cu su bida ta core peligro, e pontifice a dicidi pa no actua, Raimon-

di a sigura.

E confesor ta sgura cu el a laga e bida di crimen organisa y den actualidad

ta lucha contra cancer, mientras cu tur su colaboradornan antiguo a wordo cera of a muri.

cuminsa: 1 Okt 2019

E Fiesta di Fin di aña

Tur Mainta
Dialuna - Diabierna
4:30am - 6:30 am

Atravez di **TOP FM 95.1**

Tur Diasabra di 5:00 pm - 7:00 pm
Dielomingo di 11:00 am - 2:00 pm

SOLO
Di Pueblo

BRIYANDO FUERTE • TRECIENDO CLARIDAD

Tipline: 585 9500

e-mial: solodipueblo@gmail.com

Coleganan di Departamento di Agricultura, Cria y Pesca-Santa Rosa, a despedi di dos hubilario, den un forma sumamente ameno

Oranjestad,- Recientemente, coleganan di Santa Rosa a sorprende dos trahador, cu un merdia hopi ameno, dedica specialmente pa nan. E prome colega, ta Sr. Kenneth Samson, cu pa e clientenan di Santa Rosa, e ta e cara alegre cu semper a atende na caha y semper cla pa duna informacion y conseho. Durante e ultimo 23 ana, ela eherce e funcion di Cahero pero semper cla pa coopera unda cu e tabata por y cu un sonrisa alegre y cu un actitud positivo den tur situacion. E otro colega ta Sr. Dolfi Rodgers, kende a fungi como Truck Driver pa e ultimo 6 ana y sem-



per un persona alegre y hopi dedica na su trabou. Durante un almuerzo ameno den e lobby di e kantoer di Santa Rosa Aruba, coleganan a bini hunto pa rindi homenahe na e dos empleadonan aki, cu a sa di brinda un aporte positivo tanto na Santa Rosa como na Aru-

ba su Sector Primario. Durante e celebracion, Sra. Nathalie Maduro, Directora pa e Departamento, a gradici ambos colega pa tur nan ana nan di servicio na e comunidad di Aruba y a felicita nan den nomber di Gobierno y especialmente di parti di Minister Chris Romero,

kende no por tabata presente, pero mediante su representante di bureau, a manda felicita ambos empleado pa e bon trabou cu nan tabata sa di eherce durante nan trayectoria na e Departamento.

E coleganan a sorprende tanto Sr. Samson como

Sr. Rodgers cu un bunita regalo como recuerdo di nan temporada cu nan a labora na Santa Rosa y hopi anectodas a wordo comparti cual a trece hopi sonrisa. Ambos a gradici e coleganan pa e bunita gesto y atencion, brinda na nan y a keda sumamente contento cu a recuerdo

cu e coleganan a regala nan. Ambos a primiti cu awor cu nan tin e tempo, nan lo bay planta pa nan mes y asina sigi comparti e conocimiento cu nan a logra ricibi, mediante e temporada trahando na e Departamento di Agricultura, Cria y Pesca - Santa Rosa.

**WASTE HANDLING
CLEANING SERVICES**

**SCEPTIC TANK
(7 CUBE)**

**PRIJS SPECIAL
AWG 75,-**

**YAMANOS NA:
560 3500 OF 563 4201**

Ta presenta!

BIN GOSA...UN FIESTA PA BO WOWONAN

Exposición Pintura ARTE DEN BARIO!



Cu e resultado di e obranan alumnonan di e workshop pintura bou guia di e maestro King Lie Kwie. Diasabra awor pa 6pm den salanan di Fundacion Centro Familiar Sabana Basora Noord. Cu cooperación general di e centro y su director meneer Rafael Figueuro

Ateliers '89 Academia di Bellas Artes Aruba y Fundacion, ta brinda nos hunto cu e directiva y personal di e centro un fiesta visual bryante di color y spontanidad, di durf y talento. Alumnonan y maestronan di e institushon den jubileo total ta laga nos mira y biba espontañamente kiko creatividad, impulso propio y motivacion por jega na crea. Un exposición cu ta sorprende nos y ta laga nos disfruta di dje na un manera unico y special. Un experiencia cu ta laga bo bai cas masha contento y alegre mes.

Si bo ta canando banda di e murayan colorido de e centro, casi bo no por imagina bo mes cu e hobennan aki a crea asina tanto obra bunita y alaves interesante. Loque ta resalta ta cu e alumnonan por a keda nan mes. Nan no mester a traha obranan di arte, pero nan mester a expresanan mes espontañamente manera un mucha so por. Ta visto cu e colaboracion di alumno

y maestro a trece padilanti un proceso creativo na unda diferente formacion y atitud, a yega exelentemente na nan culminacion.

Paseando asina den e magnifico presentacion aki di e obranan di e alumnonan, bo ta realisa cu aki a wordo traha serio na e formacion di e hobennan. Un formacion hopi importante pa nan existencia den e futuro cercano. Nos ta wordo confronta aki cu un forma di educashon formal y serio. Door di ehecuta diferente temanan e alumnonan ta engrandese nan conosimento cu ta start asina e proyecto special mdi Atelier '89 esta ARTE DEN BARIO di pensa y crea. E totalidad bryante ta respuesta di e ambiente genial di e proyecto special aki. E presentacion unico di e exposicion, combina cu e amor di e maestronan pa nan trabou y e mucha ta e motor higgantesto di e institushon aki. Un exposición leuk, agradabel, pero tambe masha educativo na unda bo ta wordo motiva pa haci bo best y presenta resultadonan grandi. Un lugar sigur unda bo kier ta y unda bo ta wordo motiva. Bo ta mira den e exposición aki, kiko esaki kier conta nos.

Absolutamente lo bo disfruta de e exposición bunita aki, cu a wordo instala y presenta na un manera único y hopi profesional.



E exposicion di pintura aki di ARTE DEN BARIO ta un proyecto especial di Ateliers '89 Academia di Bellas Artes Aruba. Ta haci posible y patronisa pa CEDE Aruba, Rotary Club y FCCA! Invitación personal pa su apertura: Diasabra 2 di November 2019 pa 6pm na Fundacion Centro Familiar Sabana Basora Noord. Bishita despues di e apertura por

diariamente di 10am pa 12pm y di 2pm pa 6pm. Entrada ta gratis.

E centro ta keda rechtdoor na banda robes caminda banda di Supermercado Caliddad na Sabana Basora links di e retonde di Pos Chikito biniendo di playa.

Pa informacion adicional por yama director di Ateliers '89, Elvis López na tel: 5885776 o Cel

TROPICAL FIESTA CU PIEREWIETJE Y FLASH



ESEY TA E SHOW NOBO PRESENTA PA PIEREWIETJE Y FLASH E PROXIMO WEEKEND DIA 8, 9 Y 10 DI NOVEMBER DEN CAS DI CULTURA. GRANDI Y CHIKITO LO BAI SINTI E AMBIENTE DI E CALOR TROPICAL ORA CU E CAN-

CIONNAN RESONA DEN RITMO DI TUMBA, SALSA, MAMBO, MERENGUE Y HOPI MAS, BAILA Y CANTA PA NOS MUCHANAN DI PIEREWIETJE Y FLASH. ADEMAS E TRAHENAN TROPICAL SIGUR SIGUR LO

HALA ATENCION DI E AUDIENCIA Y SPERA CU LO BAI TIN MAS SORPRESA TAMBE. MUCHANAN DI 4 AÑA BAI Ariba TA FORMA PARTI DI E ELENCO ARTISTICO. PESEY TROPICAL FIESTA TA UN SHOW MUSICAL CU BO NO POR

PERDE Y E TA PA MINGO DIA 8, 9 Y 10 DI NOVEMBER DEN CAS DI CULTURA. FECHA: DIABIerna, DIASABRA Y DIADO-

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

Elegante poeta

Poeta Clarette A. Quandus ('71) a publica su ultimo coleccion di poema titula 'Elegante poeta' na biblioteca un par di dia pasa. Esaki a bay den un ambiente intimo y bunita y cu bastante interes for di publico. Poeta Clarette Quandus su otro coleccionnan di poesia ta 'Mi Aruba, mi prohimo, mi inspiracion' (1998), 'Amor y fe' (2006), 'Kibrando e silencio' (2011). Na final di e presentacion e poeta a entrega 5 ehemplar di 'Elegante poeta' na directora di Biblioteca Nacional Aruba, sra. Astrid Britten. Esaki pa e coleccion nacional y tambe circulacion pa miembro.

Clarette Quandus su interes nan ta literatura, poesia, historia, lesamento, bishita lugarnan historico, eventonan cultural, cana den naturalesa, saca potret y biaha bishita diferente lugar. Clarette ta traha como boluntario na Cruz Cora. Clarette tin un pasion pa skirbi for di chikito, ya cu 8 aña esaki a cuminsa manifesta su mes. E coleccion di poema ta refleha diferente sentimento, reflexion, pensamiento personal y e pasion di

e poeta. Ilustracionnan den e obra aki ta di artista visual, Elvis Tromp.



WASTE HANDLING CLEANING SERVICES

10FT



20FT



30FT



PRIJS DI BAKI:

AF 150-175-200-250

*PRIJS TA DEPENDE DI KI TIPO DI SUSHI

YAMANOS NA:

560 3500 OF 563 4201



E color di sanger di bo menstruacion ta revela bo salud

E color di sanger di bo menstruacion ta un indicador di bo estado di salud. Dado cu e sanger menstrual ta compono pa desechonan di e organismo, en especial: lipido, proteina, hormoon (entre nan progesteron), stemcel, awa, celnan morto di endometrio y contaminantenan organico.

Den otro palabra, e sanger di menstruacion ta reuni e sushi di e estilo di bida cu e muhe ta hiba. Desde e habitonan alimenticio, actividadnan cu e ta realisa tur dia y e productonan cu nos ta uza.

Pero, con bon bo conoce bo ciclo? Algun biaha bo a analisa e color? Tin e periodo ta resulta asina monotono, cu ya nos no ta tuma na cuenta e detayenan.

Pero ta importante pa nos puntra: Kico e color di sanger di menstruacion ta bisa nos?

Tin tres aspecto clave cu nos no mester ignora: abundancia, color y consistencia. Kico ta normal? Con nos sa cu no ta trata algo preocupante? Ta necesario comproba tur luna e tres aspectonan aki? A continuacion, nos lo contabo mas riba dje.

Pone atencion na e color di sanger y tambe na:

- **E cantidad di sangramento.** Tin menstruacionnan cu nan ta hopi schaars y otro abundante, loke ta completamente normal. Semper y cuando e ta constante. Pero si e cambia repentinamente, cuidao! Si bo no ta consumiendo suficiente likido, e sanger lo ta schaars. Sin embargo, si e fluho ta excesivo ta posibel cu bo tin problema den algun organo.

- **Pakico e color ta cambia?** Den terminonan general, esaki ta depende



di e estado di e higras. Si e organo no ta debidamente hidratado of bo tin keintura halto, e color ta modifica.

- **Consistencia.** Ora cu nos ta saca e fluho menstrual, nos ta sacando e energia cu ta wordo almacena den e curpa. Si bo ta realizando actividadnan desgastante, e fluho lo ta mas likido. Mientras cu si nos genera klompí, e por ta debi na stress.

Color roos

Habitualmente, e tipo di sangramento aki ta dura mas di dos dia. Si e presenta di forma regular, e por ta un signo di debilidad y defensanan abao. Pero si, diripiente, e color di sanger ta cambia y ta pasa pa bira roos, ta posibel cu ta existi un embarazo, di no ta asina, bo por ta atravesando door si cambianan hormonal of un infeccion.

Cora intenso

E tono di e fluho menstrual intenso, kieren cu bo a caba di hay'e. E tin un consistencia light y ta

comun den e periodonan. Realmente no mester preocupa.

Cora scur

Si e color di sanger di bo menstruacion tin un tono biña y di aspecto seco, ta nifica cu e sushi ta bieu. Pa algun rason, el a keda mas tempo den e matriz y ora cu el a wordo expulsa, a tuma e color aki. P'esey, na comienso di e periodo bo por saca sanger di bo ciclo anterior.

Bruin scur

E tono aki den e desecho vaginal ta completamente regular, semper y cuando bo haya e final di bo periodo. E cantidad di fluho ta hopi poco. Ta trata di e ultim residuonan. Por lo general ta e tehidro di endometrio, cual mester wordo expulsa pa su renobacion.

Oranje

Den algun ocasion, ta posibel cu e sanger ta den e boca di matriz, ta mescla cu e sanger menstrual. Pa esey, nos ta mira cu ta forma un desecho heterogeneo, cual ta

distingui e strepinan cora cu esunnan oranje. Si e tono oranje ta mas fuerte, tin cu bay un ginecologo, ya cu ta posibel cu bo tin un infeccion.

Consehonan pa tin un bon ciclo

Corda pa mantene un bon hidratacion. Hopi ta recomenda bebe por lo menos dos liter di awa pa dia. Ta bon pa recurri na infusionnan cayente, ya cu ademas di hidratabo, ta faborece e circulacion den sanger, ta aumenta e frecuencia di micion y ta desinflama e zona.

Adicionalmente, percura pa cuida loke bo ta come y evita exceso. Tene na mente cu e cambianan bruto den e forma di come, ta altera bo emocionnan y estado fisico, incluyendo e color di sanger.

Nos ta recomendabo pa consumi alimentonan rico den triptofano, manera: cereal, pan y aros, ya cu nan ta yuda cu e produccion di serotonina. Tambe aleha di cumindanan vet. Junkfood y menstruacion

no ta un bon combinacion, ya cu nan ta un detonante di barica cera y e reduccion di estrogeno.

Otro aspecto cu bo mester cuida ta descanso. Den e sentido aki, percura pa drumi lo suficiente cada dia.

Ta importante descansa pa reforsa e defensa, mehora e digestion y tin un bon funcionamiento den e curason.

Finalmente, no laga un banda e ehercicio fisico. Sali den aire liber ta yuda libera tension. Ademas, si nos realisa actividad fisico pafu di cas of den gym, e curpa lo libera endorfina, cu lo yuda alivia e dolor.



BIBA LEKKER KETO BAY NUMBER UN!!!

Calabas – Shonnan, pildo di curazon y preccion a caba na Aruba! Diasabra ultimo n'e unico y exclusivo Domino Square Garden na mundo, esta 99 Bar & Restaurant na Calabas/Kudawecha, tabata tin un bataya di domino cu lo drenta historia como "The Chill Thrill at Calabas"!! Dos team cu hungadonan estilo super bakia a enfrenta otro pa wak kende ta "The Next Team To Beat"!! Nada menos cu Team Red Stone di Ayo a challenge e team na cabes actualmente na 99 Bar & Restaurant, esta Team Biba Lekker. Esaki ta e team cu ya varios team a purba pasa nan un "sugar tax" pero keto bay ta dal den bashi! Esaki ta e team cu a duna Team Snor diabetes poco tempo pasa!

Custumber ta na 99 Bar & Restaurant ta cu e tipo di bataya nan aki normalmente ta yen di fanaticada y cu'n ambiente electrificante, pero e biaha aki adrenalina a bay sky high y ta varios curazon tabata mester eerste hulp. Team Red Stone a bin cu gang di cheer leader femenino cu ta grita entusiasma di tal forma cu bisiñanan a lanta pensando cu esaki ta un anochi di passion na 99 Bar!! Cos tabata hot shonnan! Adrenalina tabata core manera rooi di Boegoeroei n'e retonde nobo di Noord! Mano a mano e wega tabata bay. Biba Lekker ta clausura prome tempo cu'n bentaha di 11-9, pero manera bel a batí despues di pauze, Red Stone ta ataca feroz acompaña p'e gritonan di nan gang di cheer leader! Cos ta tight! Score ta empata na 17-17, y e atmosfera ta yena cu lamper cu strena ora Team Red Stone su "angelitanan" halsa voz bay un octaaf mas halto! Manera nan ta bisa na Hulanda, "Één naar zee, één naar het strand",



ora cu score ta sensacionalmente empata na 20-20! Por ultimo e super heroe di Team Biba Lekker, nada menos cu "the captain himself" Tony Trimon, ta manda Hilti pata pata den piedra di Red

Stone y ta caba e bataya epico aki cu score sensacional di 21-20! Shonnan bou preccion enorme di gritamento historico di "las Chicas de La Piedra Roja", toch Team Biba Lekker ta mantene

nan "cool" y ta logra "edge" Team Red Stone cu 21-20! Otro anochi sambombaso di domino high class na e unico Domino Square Garden na mundo, esta 99 Bar & Restaurant na Calabas!

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Participacion di Comision di Santana – Parokia "Inmaculada Concepcion" Santa Cruz

Teniendo cuenta cu Dia di Tur Defunto, diasabra awo, dia 2 di november, Pastor Jairo Maduro, Pastor di Parokia y Sr. Sixto Vrolijk, President di Comision di Santana ta participa na tur esnan cu tin nan defuntonan dera den santana "Santa Maria" y "Pastoor de Vries" cu tur dos santana lo ta habri henter e siman aki, for di 7:00 di mainta pa 7:00 di anochi. Esaki ta pa duna oportunidad na un y tur pa bin drecha of haci graf y box di nan defunto stima limpi.

E siman aki no mester busca permit special di Comision pa traha den santana. Comision lo aprecia pa ora caba di traha pa laga e luga limpi y deposita tur sushi den e bakinan grandi cu tin disponible. Masha danki di antemano. Saludo fraternal.

PANICO DEN UN CIUDAD DI PAKISTAN TRAS DI A CONOCE CU TIN MAS DI 900 MUCHA INFECTA CU HIV

E ciudad Pakistani di Ratodero, ta enfrenta un epidemia di HIV desde april ultimo, cu mas di 900 mucha infecta, loke a causa panico entre e poblacion local, India Today ta informa.

Na e mesun momento, autoridadnan ta kere cu cantidadnan real por ta ainda mas hopi, ya cu solamente un parti di e poblacion di e ciudad a haci un analisis.

Inicialmente e funcionarionan di salud publico, cu a yega pa investiga e caso, a culpa un pediatra, Muzaffar Ghanghro, kende a atende e famianan di mas pover di e ciudad y supuestamente tabata reuza e hanguanan pa haci inyeccionnan na e muchanan. Muzaffar Ghanghro a cobra 20 cen pa nan consulta, e prijs mas abao di e

ciudad, pa cual hopi famia cu poco recurso tabata acudi na su consulta.

E pediatra a trata seis yiu di Imtiaz Jalbani, cuater di cual a resulta infecta cu HIV, e dos yiunan mas chikito di Jalbani a fayece. E tata a confesa cu el a mira e dokter busca un hangua den bari pa uz'e cu un di su yiunan. Ora cu Jalbani a protesta, e pediatra a responde cu e famia tabata demasiado pover pa paga pa un hangua nobo.

"Si bo no kier mi tratamiento, bay cerca un otro dokter," NYT ta cita palabranan di e tata. Jalbani ta splica cu e famia lo a muri di hamber si nan lo a paga pa remedi caro.

E pediatra a wordo aresta y ta imputa cargo di negligencia, homicidio y daño involuntario. Sinembargo,



e dokter ta rechasa tur e acusacionnan.

Aunke e proceso contra Ghanghro no a conclui y ainda no a wordo condena, e dokter ta sigui traha den un hospital di gobierno di e ciudad.

Mientras tanto, e funcio-

narionan di salud publico ta señala cu ta poco probable cu Muzaffar Ghanghro ta e unico causa di e brote. Debi na e nivel halto di pobresa, e dentistanan ta uza instrumentonan no sterilisa, como tambe e barberonan ta uza e me-

sun nabaha di feita pa tur su clientenan.

Segun Nacionnan Uni, di 2010 pa 2018, e cantidad di persona cu HIV na Pakistan casi a duplica, alcansando 160 mil persona infecta.

FEDERACIONNAN CAMPEONATO PA ASU OLIMPIADA 2019

FEDERACION	FECHA	LUGAR	ORA		
BADMINTON	2-Nov	COLEGIO PLAYA	9 OR AM - 10:45 AM		
KENDO	2-Nov	SCOL WACHINTON	9 OR AM- 3 OR AM		
FED. GYM	3-Nov	PIEDRA PLAT (BAREÑO)	9 OR AM-2 OR PM		
ATLETIEK	6-Nov	G. P. TRINIDAD	5:30 PM		
BADMINTON	7-Nov	COLEGIO PLAYA	8 OR PM - 9.30 PM		
SCHERMEN	8-Nov	IBISA SANICOLAAS	6:30 PM		
CAPOEIRA	9-Nov	PARKE CURASON	9OR AM-3 OR PM		
VOLLEYBALL BOND	10-Nov	JOE LAVEIST SPORT PARK	9 OR AM- 6 OR PM		
ARUBA RUGBY	16-Nov	JOE LAVEIST SPORT PARK	9OR AM - 2 OR PM		
ARUBA RUGBY	17-Nov	EAGLE BEACH (BANDI COCO LOCO)	9 OR AM - 4 OR PM		
WEIGHTLIFTING	17-Nov	COMPLEJO DEPORTIVO FRANS FIGAROA	11OR AM - 3 OR PM		
KARATE	23-Nov	CENTRO DEPORTIVO BETICO CROES	9 OR AM-8 OR PM		
JUDO BOND	30-Nov	CENTRO DEPORTIVO BETICO CROES	9 OR AM - 7 OR PM		



FAMIA Y AMIGONAN Y FANS A RECIBI E ATLETANAN DI MUAY THAI



Famia y amigonan y fans a recibí e atletanan di MUAY THAI cu a hasi un tremendo trabou na Monterey Mexico ganado tur nan peleanan manera nos ta bin ta bisa full e anja aki caba cu e atletanan di e deporte aki cu ta Muay Thai a hasi y ta hasendo un tremendo trabou y den exterior y unda cu nan a bai Aruba hasi un tremendo trabou e ultimo anjanan aki atletanan a crece hopi mes asta titulo nan cu federacion nan grandi manera W.M.F. y asta diferente titulo Aruba tin kampion nan den diferente categoria awor na caminda pa Panamercano di Muay thai otro luna pabien na e fedrachon di Aruba y tur e mayornan cu a duna nan ayudo pa asina e muchanan aki por a wordo logra atrobe un biaha mas pabien na tur e atletanan mas den siman nos lo bin cu mas info di e peleanan pabien un



biaha mas na atleta Jearon Trimon Serigo Tromp Rygell Boye cu a retene su título den su peso

nan tur pabien di nos di prensa y media na Aruba bon trabou sigi asina

SERVICIO Y COMPRA



**Santa Cruz
BARBERSHOP**
Mon-Fri: 8AM-9PM • Sun: 9AM-6PM
T1.600-6673 • T2.592-1880

Cilantro's Grill Menu

Breakfast - Lunch - Dinner

CUMINDA CRIOYO
Sopi di Dia Special
Pa Pedidos: \$94 0635



Maduro Heavy Equipment N.V.

Pa tur tipo di santo, piedra y graniet
Pa trabao di rosamento y cobamento
di fundeshi of Pos

Tin special riba diasabra

Rooi Bosal 49

Tel: 5851708/5943207/5931608

POWERLIFTING • BODYBUILDING

WARRIORHOUSE

GYM



Situa na
Santa Cruz 266
Tel: 566-4478

TA FURA

MATRAAS, MUEBLES,
STOEL DI AUTO
ORANGE MATRAAS FABRIEK
HOPI DESCUENTO
40% Y 50%,
MERCANCIA NOBO
TARABANA SOLO 5
593-4387 OF 588-7468

SOLO

BRIYANDO FUERTE • TRECIENDO CLARIDAD

Di Pueblo



PA TAXATIE DI CAS Y PROPIEDAD

TUMA CONTACTO CU

CERA ARUBA

TEL: 561 5643

Abona na  awor!

Yama 585-9500 of

e-mail nos na solodipueblo@gmail.com

Tur marduga nos ta entrege den bo porta di cas!

Noticia cayente, ta aki bo ta haye!



Aruba su team di TK4 di Taekwondo pa Corsou a luci den nan uniform nobo



Diasabra ultimo despues di training intensivo na Tarcisius Kleuterschool e team di TK4 cu ta preparando pa Corsou a haña nan uniformnan. E team di Cadet ta ye-

gando na su final, mirando cu despues di Corsou Joshua Klabér ta bay bandona Cadet, lagando Reginald Tromp y Danon Delamore di Brazil Taekwondo Stichting y Sam-

uel Rosales di Noord Taekwondo Center. Na Corsou ta caminda cu e reto di organisa e evento di TK5 a cuminsa door di Cedric Meulens D.F.M. y Aruba semper a forma

su team pa participa tur aña na luna di November y awo el a bira TK4. Cedric Meulens D.F.M. a train hunto cu Alberto Klabér na Hulanda cerca ex Campeon Mundial

Henk Meijer y a cera un amistad y esaki a amplia na Corsou y na Aruba. Manera e atletanan mes a bisa cu nan ta cla pa enfrenta e team di Corsou.

Curso tocante maneho propio di diabetes tipo 2, PRISMA, un exito!

E prome cursonan di PRISMA a tuma lugar den luna di september y oktober, cual tawata un gran exito! Un total di 47 participante a finalisa e curso di dos mitar di dia unda nan a ricibi e conocemento y tools pa asina nan por tuma control y maneha nan diabetes mas mihor.

E curso a wordo duna den gruponan chikito cu atencion completo riba e participante. E participantenan a logra comparti nan preocupacionnan pa cu nan maneho actual y nan preguntanan clave. Na un manera interactivo e participante a siña kico ta pasando den su curpa, e sintomanan cu e por ex-

periencia, e posibel complicacionnan y e diferente opcionnan pa cu e tratamiento di e malesa. Na final di e curso e participante a compronde kico e por haci pa por influencia su salud, enfocando riba temanan manera alimentacion, movicion, humamento, estado di animo y e uzo di medicamento. Esnan cu a participa na e cursonan di PRISMA a varia den edad y e cantidad di tempo cu nan ta conoci cu e malesa. Asina un participante cu a caba di wordo diagnostica a logra siña di e experiencia di e persona cu tin diabetes pa mas cu 30 aña caba. E participantenan a realisa cu na no ta nan so y cu tin hopi cu nan mes

por haci pa cu e maneho di e malesa. E participantenan a finalisa e curso sintiendo empodera y cla pa traha riba nan propio plan di accion pa asina maneha nan diabetes.

Abo tin Diabetes tipo 2? Y bo tambe kier tuma control den e maneho di diabetes? PRISMA Aruba tei pa yudabo! PRISMA ta pa cada persona cu tin Diabetes tipo 2, cu ta motiva pa tuma responsabilidad di e malesa y influencia e factornan di riesgo. E curso ta consisti di dos encuentro di mitar dia (4 ora), duna pa profesionalnan di salud den e ramo di diabetes.



E cursonan ta wordo duna riba diferente fecha, orario y localidad. Registra awe mes pa participa na un di e cursonan den e luna di november.

Por registra riba www.fdaruba.com, por mail na info@fdaruba.com of por yama 566-5045 pa mas informacion.

TA HUUR

Apartament full muebla 2 slaapkamer, airco, alarm, paga bon

Exclui: awa,wifi, ecotech,cable
Pa 2 persona : no kids, no pets

Tel:585-5521 * Cel:565-3228

PRONOSTICO DI TEMPO VALIDO TE DIARANSON 30 DI OCTOBER 2019

COMPILA:

DIAMARS 29 DI OCTOBER 2019 17:00 (21:00 UTC)

TEMPO:

AWE ANOCHI: PARCIALMENTE NUBLA I GENER-
ALMENTE SECO

DEN MARDUGA I MAYAN: PARCIALMENTE NUB-
LA CU UN POSIBEL AWACERO BREVE.

TEMPERATURA MAXIMO 31 GRADO CELSIUS
TEMPERATURA MINIMO 26 GRADO CELSIUS

BAHADA DI SOLO : 6:15 PM

SUBIDA DI SOLO : 6:32 AM.

BIENTO:

FOR DI GENERALMENTE DIRECCION OOST I
MODERA TE BASTA FUERTE;

FORSA 3 TE 5 (12 TE 39 KM/ORA, 7 TE 21 NUDO)
DEN DIA POSIBLEMENTE FUERTE DEN RAFAGA;
FORSA 6 (40 TE 50 KM/ORA, 22 TE 27 NUDO)

SITUACION GENERAL DI TEMPO:

UN OLA TROPICAL DEN PARTI OOST DI CARIBE
LO PASA DEN REGION LOCAL
BAYENDO WEST DEN PROXIMO 24 ORA. DEN OR-
ANAN DI MARDUGA I MAINTA
TREMpan, HUMEDAD DI E SYSTEMA AKI LO POR
INDUCI UN AWACERO BREVE
RIBA CIERTO PARTINAN DI E ISLA.

CONDICION DI LAMA:

OLANAN DI LAMA LO TA FOR DI DIRECCION
OOST CU HALTURA DI 4 TE
LOCALMENTE 7 PIA. TA PIDI OCUPANTENAN DI
BOTO CHIKITO I USUARIONAN
DI FACILIDADNAN DI LAMA PA BAI CU CAUTELA
RIBA LAMA I ESPECIALMENTE
NA AREANAN DI COSTA OOST TE NOORDWEST
YA CU LABADERANAN FOR DI
NOORDOOST LO HASI E LAMA POCO BRUTO NA
COSTA OOST TE NOORDWEST
CU OLANAN CU POR PEAK TE 8 PIA. PA MOTIBO
DI ESAKI UN AVISO PA
BOTO CHIKITO I UN HIGH SURF ADVISORY* TA
NA VIGOR TE DIAHUEBS
ATARDI 6'OR.

*HIGH SURF ADVISORY = AVISO PA TENE CUEN-
TA CU OLEAJE HALTO
NA COSTA CU POR TRESE PELIGER PA HENDE I
PROPIEDAD.

FENOMENONAN SPECIAL: NINGUN

TEMPO TROPICAL SIGNIFICANTE: NINGUN

POTENCIAL DI AWACERO PA PROXIMO 24 ORA: 1
MM;

LOCALMENTE ESAKI POR VARIA.

REGISTRACION DI TEMPERATURA (GRADO CEL-
SIUS) Y AWACERO (MM)
DEN ULTIMO 24 ORA:

AIRPORT MAX 33 / MIN 26 / 0.2 MM

PRONOSTICO DI TEMPO PA PROXIMO TRES (3)
DIANAN:

PARSIALMENTE NUBLA CU LOCALMENTE UN
AWACERO BREVE.

BIENTO LO TA MODERA TE BASTA FUERTE FOR
DI

DIRECCION GENERALMENTE OOST; POSIBLE-
MENTE

FUERTE DEN RAFAGA

TEMPERATURA (GRADO CELSIUS) MAX / MIN
LO TA: 31 / 27

SUDOKU

1			2	3	4			12		6				7	
		8				7			3			9	10	6	11
	12			10			1		13		11			14	
3			15	2			14				9			12	
13				8			10		12	2		1	15		
	11	7	6				16				15			5	13
			10		5	15			4		8			11	
16			5	9	12			1						8	
	2						13			12	5	8			3
	13			15		3			14	8		16			
5	8			1				2				13	9	15	
		12	4		6	16		13			7				5
	3			12				6			4	11			16
	7			16		5		14			1			2	
11	1	15	9			13			2				14		
	14				11		2			13	3	5			12

Sopi di Letranan

* cow

* horse

* pig

* dog


* cat

* frog

* duck

* chicken

* sheep



Na ocasion di Aña di Hubileo Paradera cu celebracion pa Parokianonan

Durante e lunanan cu a pasa Parokia di Paradera a celebra su Hubileo di 70 Aniversario cu diferente programa; Dia di Famia, actividad social cu cooperadonan, anochinan di oracion den barionan na casnan di famia, cu e muchanan di scolnan y hobennan den programan educativo y recreativo, e grandinan y enfermonan tambe tabata tin nan celebracion y sin lubida e parokianonan den necesidad.

E dia grandi mes tabata dia 8 di September ultimo cu tur parokiano por a bini hunto y celebra e 70 aniversario di e misa y parokia den un Santo Sacrificio di Misa solem y despues den un recepcion den Centro Caiquetio. Pues e parokia a celebra na tur nivel e hubileo di 70 aniversario, pero toch kier trece tur parokiano den un solo actividad hunto den e aña di hubileo aki.

Diadomingo awo 3 di November cuminsando pa 11or di mainta na Centro Caiquetio, e Comision Organizado Hubileo 70 Aniversario di Parokia Santa Filomena lo presenta e programa Hubileo pa Parokiano cu e titulo "Un Pueblo Uni den Cultura". Un programa dedica na tur Parokiano di Paradera pero e comunidad di Aruba tambe ta bonbini. E diadomingo aki tur grupo cu a celebra separa den un ambiente particular por bini hunto un bi-

aha mas y tur parokiano den ambiente di union y comunion y celebra den un solo famia grandi di Paradera e 70 aniversario di nos misa y parokia. E merdia aki lo wordo habri pa e cantante Eltienne Yarzagaray cu canticanan gospel. Den e programa aki e historia di Parokia lo keda dramatiza den naracion y actuacion bou di e elenco di Jhon Freddy Montoya. E grupo di Baile Danza Aruba lo bini cu su bailadonan mini, youth y profesional pa presenta riba ritmonan moderno y cultural. Despues di merdia lo sigui gruponan tipico cultural y actual. E grupo Sodo y Cuero lo presenta ritmonan riba nan tambunan cu cancionnan manera "Aruba ta un Paraiso". Grupo Tipico Palisia tambe lo tey. Robert y su Mini Band cu su cancion "Piki Punta". Sigui cu e grupo di guitaristanan Rondalia, Banda Nos cu Nos y ultimo e presentacion di Tipico Sonido di Antaño cu su cantante principal Mario Kelly Jr. Durante e presentacionnan aki e publico presente tin e oportunidad pa marca paso tambe. Pues un ambiente festivo lo tin. Durante dia lo tin tambe bende-mento di cuminda local y internacional manera di Colombia, Surinam, Filipina, Peru, Corsou y Bonaire. Tambe lo tin benta di bolo y cos dushi, obranan di man, artesanian y articulonan religioso.

Sin lubida un bar y cushina presente y bon sorti. Pa nos muchanan lo tin actividad especial entre otro Dino Jump y pintamento di cara. E publico presente por participa y celebra libremente te cu 5or di atardi den un ambiente festivo social cultural den hermandad cu otro.

E programa aki ta wordo organisa hunto cu Departamento di Cultura, cu sosten di diferente sponsornan y cu e contribucion di e artista y gruponan musical local. Danki na nan e Comision Organizado por logra e programa aki.

E Comision Organizado den nomber di Pastoor Canuto (Toti) Fuentesbella ta invita tur Parokiano pa bini celebra hunto den un forma cultural e Hubileo di 70 Aniversario di Parokia. Esaki ta e oportunidad tambe pa esnan cu ainda no a haya e momento pa celebra e hubileo aki. Tambe ta invita tur esnan cu ta sinti nan mes parti di Parokia di Paradera y e Pueblo di Aruba en general pa bini den un manera di Hermandad pa celebra hunto cu e parokianonan di Paradera e Hubileo di 70 Aniversario di Parokia Santa Filomena. Entrada ta liber pa yuda cubri e gastonan e Comision Organizado ta confia riba un donacion di e publico. Lo tin un box na entrada di Centro Caiquetio.

Diabierna, dia 1 di November ta celebra Fiesta di Tur Santo na Misa "Inmaculada Concepcion" Santa Cruz

Un dia pa reflexiona riba e bida di santonan; hendenan di carni y weso, sernan humano. Kico nan a haci diferente pa gana Gloria di Señor? Busca Dios, profesa nan fe, cambia nan bida di debilidad, yuda prohimo, comunidad y e anhelo pa biba den presencia di Dios.

Pastor Jairo Maduro ta invita tur cu kier sa mas di e bida di Santonan pa asisti na Misa, diabierna, dia 1 di november pa 7:00 di anochi.

"Ken por drenta Su tempel santo? Esun cu ta limpi, den su echo y pensamiento, cu no ta core tras di cosnan mundano". Salmo 24, 2.

Paz y bendicion di Dios sea semper cu boso. Fraternalmente,

Diasabra, dia 2 di November – Misa na honor Tur Defunto na Misa "Inmaculada Concepcion" Santa Cruz

Esaki ta e dia cu ta recorda tur esnan cu a bay dilanti pa un bida miho. Pa cristiannan creyente, morto no tin e ultimo palabra, pasobra defuntonan ta destina pa un resurreccion glorioso pa biba cu Cristo Resusita den tur eternidad. Fe den promesa di Dios, cu tin bida eterna ta loke ta consola y conforma tur esnan cu a perde un ser stima.

Famianan corda riba bo defuntonan, bishita nan graf/kelder regularmente, mantene nan luga di sosiego limpi, hiba un flor y haci oracion pa nan descanso eterno. Diasabra, dia 2 di november, cuminsando pa 6:30 di atardi lo tin un procesion riba e parking lot dilanti entrada principal di Misa. Lo sali den procesion cu un caha di morto simbolico cu tin envelop cu nomber di defuntonan pa kende famianan a laga haci misa. Bin cu portret di defuntonan stima pa Pastor lo bendiciona nan durante misa. Pastor Jairo Maduro ta haci un invitacion general na tur famia pa asisti na e Sacrificio di Misa pa honra nan difunto. "Si nos muri cu Cristu, nos lo biba cu n'E. Si nos persevera te na fin, nos lo reina cu n'E".

II Timoteo 2:11-12A.

Paz y bendicion di Dios sea semper cu boso. Fraternalmente,


Participacion di Comision di Santana – Parokia "Inmaculada Concepcion" Santa Cruz

Teniendo cuenta cu Dia di Tur Defunto, diasabra awo, dia 2 di november, Pastor Jairo Maduro, Pastor di Parokia y Sr. Sixto Vrolijk, President di Comision di Santana ta participa na tur esnan cu tin nan defuntonan dera den santana "Santa Maria" y "Pastoor de Vries" cu tur dos santana lo ta habri henter e siman aki, for di 7:00 di mainta pa 7:00 di anochi. Esaki ta pa duna oportunidad na un y tur pa bin drecha of haci graf y box di nan defunto stima limpi.

E siman aki no mester busca permit special di Comision pa traha den santana. Comision lo aprecia pa ora caba di traha pa laga e luga limpi y deposita tur sushi den e bakinan grandi cu tin disponible. Masha danki di antemano. Saludo fraternal.

Festival caha di Orgel dedica na Ale Werleman

Diadomingo awor 3 nov 2019 ..



Nos ta bai tin un festival di caha dedica na mi Tata... Nos cushina lo tin Plato navideño

Roti - sopi Carni - sopi Oester - Croquet/pastechi... Pan cu ham di pasco....

Anto Bar bon surti....por pasa busca of nos ta warda boso bin come y den ambiente di music di caha di orgel...

App mi si ta interesa den cuminda .. pa mi reserva di bo...


Nos ta warda boso

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Weaver.

Cu honda pena pero conforme cu boluntad di Dios y cu'n enorme gratitud pa tur loke e'la hasi y nifica pa nos, nos ta anuncia fayecimento di nos ser keri:

Benancio Obispo Angela

Mihor conoci como "Shona",
"Shon Naka" of "Mo Naka"
Vdo. di Sra. Leoncita Rosa Angela-
Figaroa
Ex empleado d Lago y di Coastal
*09-11-1932 - †24-10-2019
Na number di su:



Yiunan:
Swinda y John Brahim
Rudolfo "Rudy" y Maggie Nieuwkerk
†Sonia y Edwin Trimon
Venancio "Vi" y Ruud Demmers

Nietanan:
Lara Brahim y Rogier Konings
Vania Brahim y Bassim Hammoud
Almira Brahim y Jeroen Vrouwenraets
Rosaida Brahim

Nieto:
Richard Trimon y Raymeline Ellis

Bisanieto(a)nan:
Matthias Konings, Gisele, Johan y Ammar Hammoud,
Raydrich Trimon

Swa y cuñanan:
Gregorio Lampe
Eleonora "Nora" Angela-Delaney y famia
Maria Lucrecia "Grace" Angela-Maduro y famia

Ihanan:
Maikel Figaroa, Lourdes da Silva, Lourdes Kelly y Juan
"Poy" Angela

Su ayudantenan cu a cuidela cu hopi amor y cariño

Maria "Beltra" de Cuba y famia

Sobrino- y sobrinanan, primo- y primanan, su bon bisi-
ña y amistadesnan

Demas famia: Angela, Figaroa, Brahim, Trimon, Nieu-
wkerk, Demmers, Konings, Hammoud, Vrouwenraets, El-
lis, Lampe, Dirks, Koolman, Delaney, Maduro, Kelly,
Tromp, da Silva, Kock, Werleman, Willems

Ta invita pa acto di entierro cual lo tuma lugar na Misa
Santa Anna na Noord diabierna 1 di November 2019 di
9'or pa 11'or di mainta. Despues lo sali pa Santana Catol-
ico na Noord.

Condolencia lo tuma lugar na Royal Funeral Home dia-
huebs 31 di oktober 2019 di 7'or pa 9'or di anochi.

Enbes di flor of krans lo tin un box disponibel pa dona-
cion pa Huize Maristella.

Si encaso cu den nos tristesa nos por a lubida algun
famia of conoci nos ta pidi nos mas sincero disculpa.

Ta duel nos cu despues di entierro nos no por ricibi bishi-
ta di condolencia na cas.

INVITACION MISA SPECIAL PA MUCHA NA PAROKIA SAGRADO CURASON DI HESUS

Un invitacion ta bay na tur mucha cu nan mayor pa asisti na e siguiente Misa spe-
cial pa mucha diadomingo, 3 di november pa 10'or di mainta na misa di Savaneta E
biaha aki na un manera particular nos kier invita y involucra muchanan di kleuter-
school, Scol Preparatorio Prome Paso. Mayornan siña boso yiunan importancia di
misa dominical.

Bou di e Misa aki tambe, nos lo resa na un manera particular pa tur persona cu ta
traha den limpieza y decoracion di nos misa, esaki ta en conexion cu memoria di
San Martin de Porres.

Celebracion di Memoria di tur defunto na parokia Sagrado Curason di Hesus

Diasabra, 2 di november, recordando tur nos fielnan difunto, lo tin Misa den nos
santana na Savaneta pa 6 or di atardi.

Dedica e dia aki pa bishita (limpia, dorna) e graf di bo sernan keri, resa pa nan y
ofrece un Misa pa descanso di nan alma.

Tene cuenta cu pa e motibo aki diasabra tin cambio di orario y luga di Misa!



CLASIFICADO

e-mial: solodipueblo@gmail.com

Tipline: 585 9500

DIASABRA AWOR TIN MISA 8'OR MAINTA NA DAKOTA.

Reverendo Pastoor Jozef
Pelc di misa Birgen di
Fatima Dakota, ta invita
tur parokiano y pueblo di
Aruba en general pa asisti
na un S.S. di Misa dias-
abra awor 2 di november,
prome diasabra di luna,
pa 8'or di mainta na Misa
Birgen di Fatima na Dako-
ta na honor di Birgen Ma-
ria. Ta cuminsa cu res-
amento di Santo Rosario
pa 7.30 am na diferente
idioma. E dia aki Iglesia
ta recorda tambe tur nos
defuntonan y lo tin S.S. di
Misa manera custumber
pa 7'or anochi. Ta cumin-
sa cu resamento di Santo
Rosario pa 6.30pm.

ORACION DI DIA

Un feliz dia rumannan y cu Dios colma boso cu su gracia y goso

Ma no bira contento djis pasobra demoño ta obedece
boso; "alegra boso cu boso nomber ta scirbi den shelo".
(Luc. 20)

Awe, Hesus ta bisa nos con nos mester tene cuenta cu
loke nos ta haci y papia. Si nos busca Hesus di curason
Hesus ta duna nos autoridad. Pero nos tin cu pone
tur nos debilidatnan, nos dudanan, nos miedonan y
tur nos dificultadnan den Su mannan poderoso y E ta
duna nos tambe e poder pa vence tur clase di obsta-
culo cu ta bini den nos direccion. Solamente nos tin
cu keda humilde y corda semper cu ta Spirito Santo ta
usa nos como Su instrumento. P'esey nos curason por
ta contento tur momento pasobra si nos busca Señor
cu un curason sincero y fiel nos por ta yen di alegría y
goso apesar di tur problema. Señor semper lo tey cu Su
brasanan habri pa rescata nos for di tur securidad.

Oracion: Tata tierno y compasivo, nos ta gradici Bo cu
Bo a scohe nos como Bo yiunan. Yuda nos pa nos por
habri nos curason completamente pa Bo por obra den
nos. Duna nos un curason sincero y humilde pa nos
por ta obedecido na Bo Palabra. Tene nos mannan y
cana hunto cu nos pa apesar di tur dificultad nos cu-
rason por ta yen di alegría y goso pasobra nos sa cu Bo
ta hunto cu nos y Bo tin poder pa vence tur obstaculo y
enemigo den nomber di Hesus di Nazaret. Amen

Un homber ta tira dilanti di un mosque di Francia

Un homber a tira dilanti di un mosque den e localidad di Bayona na Francia. E indidente a tuma lugha dia 28 di oktober y te na e momento ta desconoce e rasonnan di e tiroteo.

Parce cu dos persona a resulta herida, un di nan di gravedad, medionan local a informa.

Segun fuentenan policial, e presunto autor di e tiroteo, di aproximadamente 80 aña di edad, a wordo identifica como Claude S., a wordo aresta na su cas poco despues die atake y el a reconoce e hechonan.

Ademas, un cilindro di gas y un arma a wordo haya den su auto. Autoridadnan local a confirma cu e atacante a purba di cende e porta di e mosque na candela, a herida dos persona y ora el a sali for di e tempo a cende un auto na candela.

Mientras tanto, e victimanan a wordo hiba pa hospital. Ta trata di dos homber di 74 y 78 aña di edad cu a resulta gravemente herida pa e balanan.

Di inmediato, polis a cordina rond di e tempel. Di su parti, e oficina di e fis-



cla di Bayona a cuminsa cu un investigacion pa e delito flagrante.

Muhe di 67 aña ta duna luz na un baby na China

Dia 25 di oktober, un muhe Chines di 67 aña a duna luz na un mucha muhe. E muhe, kende solamente a anuncia su fam (Tian), a haya e baby via operacion cesarea den e hospital materno di Zaozhuang, oost di China, South China Morning Post a informa.

E chikito a nace den e di 36 siman di embarazo y a pisa 2.6 kilogram. E mucha na cual e progenitornan a yama Tianci, ta den cuidio intensivo bao di supervision medico, ya cu a trata di un parto prematuro.

E tata, di 68 aña, a bisa cu "e mucha ta un regalo di shelo." E parto a wordo asisti pa dos dokter, Wang Xietong y Liu Chengwen, pero ningun di dos a responde na yamadanan pa confirma e nacimiento.

Un persona di e hospital cu a responde e yamada a confirma e nacimiento pero no a proporciona informacion detaya.



**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

Abona na

SOLO Di Pueblo

awor!

Yama 585-9500 of e-mail nos na solodipueblo@gmail.com

Tur marduga nos ta entregue den bo porta di cas!